

Yfirlýsing um samstarf þjónustukerfa á sviði endurhæfingar

Félags- og vinnumarkaðsráðuneyti, heilbrigðisráðuneyti-, Samband íslenskra sveitarfélaga, f.h. félagsþjónustu sveitarfélaga, Tryggingastofnun, Vinnumálastofnun og VIRK Starfsendurhæfingarsjóður ses. lýsa yfir vilja til að hefja vinnu við gerð samnings sín á milli um framtíðarfyrirkomulag um heildstæða nálgun og samþættingu þjónustu í tengslum við endurhæfingu einstaklinga og að stefnt verði að því að ljúka undirritun slíks samnings eigi síðar en 15. apríl 2024. Í fyrirhuguðum samningi þarf meðal annars að tryggja eftirfarandi:

- ✓ Heildstæða nálgun við endurhæfingu einstaklinga og samfellu í allri þjónustu.
- ✓ Einstaklingum sé fylgt eftir milli þjónustukerfa þarfi þeir þjónustu fleiri en eins kerfis auk þess sem ljóst þarf að vera hvernig ábyrgð á þjónustu færast milli þjónustukerfa.
- ✓ Skýrt hlutverk ábyrgðaraðila innan hvers þjónustukerfis þegar einstaklingar færast milli þjónustukerfa eða einstaklingar njóta þjónustu fleiri en eins kerfis.
- ✓ Þjónustukerfin ákveði eitt kerfi sem ábyrgðaraðila á samþættingu endurhæfingar einstaklings þegar fleiri en eitt kerfi er að veita viðkomandi þjónustu á sama tíma.
- ✓ Skýrt hlutverk og starfsemi sérstakra samhæfingarteyma sem samstarfsvettvang þjónustukerfa.
- ✓ Greiningu á hve mikið af samvinnu þjónustukerfanna getur farið fram sjálfvirkt með rafrænni veitingu upplýsinga milli kerfa.

Samstarf þetta er mikilvægur liður í að ná því markmiði að bæta lífskjör og lífsgæði fólks sem þarf á endurhæfingarþjónustu að halda til að bæta afkomu sína og möguleika til virkni, menntunar og atvinnuþátttöku á eigin forsendum í samræmi við sáttmála ríkisstjórnarinnar frá 2021.

Handwritten signatures and blue flower stamps.

Tryggingastofnun, Vinnumálastofnun, VIRK Starfsendurhæfingarsjóður ses., Heilsugæsla höfuðborgarsvæðisins og velferðarsvið Reykjavíkurborgar lýsa jafnframt yfir vilja til að vinna saman að sérstöku undirbúningsverkefni frá janúar 2024 um samþættingu þjónustu í tengslum við endurhæfingu einstaklinga. Fyrirnefndu undirbúningsverkefni er nánar lýst í viðauka við yfirlýsingu þessa en gert er ráð fyrir að meðal annars verði áhersla lögð á heildstæða nálgun við endurhæfingu einstaklinga miðað við þarfir hvers og eins hverju sinni og að endurhæfing sé samfelld.

Reykjavík, 15. febrúar 2024



Guðmundur Ingi Guðbrandsson,
félags- og vinnumarkaðsráðherra

Willum Þór Þórsson,
heilbrigðisráðherra

Fyrir hönd Sambands íslenskra sveitarfélaga

Heiða Björg Hilmisdóttir,
formaður

Fyrir hönd Tryggingastofnunar

Huld Magnúsdóttir,
forstjóri

Fyrir hönd Vinnumálastofnunar

Unnur Sverrisdóttir,
forstjóri

Fyrir hönd VIRK, Starfsendurhæfingarsjóðs ses.

Vigdís Jónsdóttir,
forstjóri

Fyrir hönd Heilsugæslu höfuðborgarsvæðisins
vegna undirbúningsverkefnis

Sigríður Dóra Magnúsdóttir,
forstjóri

Fyrir hönd velferðarsviðs Reykjavíkurborgar
vegna undirbúningsverkefnis

Einar Þorsteinsson,
borgarstjóri

Undirbúningsverkefni um samþættingu þjónustu í tengslum við endurhæfingu einstaklinga

Tilgangur og hlutverk

Tilgangur verkefnisins er að hlutaðeigandi þjónustukerfi vinni saman í sérstökum samþættingarteymum í því skyni að stuðla að því að einstaklingar fái heildstæða þjónustu við hæfi innan þjónustukerfanna til að auka færni sína til að sinna athöfnum dagslegs lífs og taka virkan þátt í samfélaginu, þ.m.t. þátttöku á vinnumarkaði að fullu eða að hluta, í samræmi við getu hvers og eins.

Þjónustukerfin geta vísað málum einstaklinga inn í teymin þegar vafi leikur á hvers konar þjónusta gagnist eða þegar óskað er eftir því að skoðað sé sérstaklega hvernig þjónustukerfin geti í sameiningu veitt einstaklingi heildstæða þjónustu í samræmi við þarfir viðkomandi á hverjum tíma.

Samþættingarteymi þjónustukerfanna skal einnig skoða sérstaklega bið í úrræði og leita mögulegra leiða til að draga úr biðlistum í samstarfi við þjónustukerfi velferðarkerfisins.

Skipun í samþættingarteymi

Þau þjónustukerfi sem taka þátt í fyrirhuguðu undirbúningsverkefni munu tilnefna fagaðila í samþættingarteymið sem gert er ráð fyrir að verði hluti af verkefninu. Þessir fagaðilar skulu vera starfsfólk sem einnig sinnir faglegri þjónustu innan hlutaðeigandi þjónustukerfa auk þess sem viðkomandi þarf að hafa lokið menntun og búa yfir þekkingu og reynslu sem nýtist í starfi teymanna.

Hlutaðeigandi þjónustukerfi skulu tryggja að fagaðilar hafi nægjanlegt svigrúm til að taka þátt í starfi samþættingarteymis.

Framkvæmd og persónuvernd

Hvert þjónustukerfanna getur vísað máli einstaklinga inn í samþættingarteymi og er það kerfi skilgreindur ábyrgðaraðili málsins meðan það er til skoðunar hjá teyminu. Fulltrúar allra þjónustukerfanna fara saman yfir málið á fundi út frá fyrirbyggjandi gögnum frá öllum kerfunum. Tryggja verður miðlun upplýsinga, þ.m.t. þeim sem viðkvæmar geta talist, til teymanna í samræmi við ákvæði laga og reglna um persónuvernd og vinnslu persónuupplýsinga.

Viðauki

Þegar teymi hefur fjallað efnislega um málið getur teymi vísað máli til annars þjónustukerfis og færist þá ábyrgðin á málinu yfir á það þjónustukerfi. Þegar einstaklingur þarf þjónustu fleiri en eins kerfis þarf að skilgreina hvaða kerfi beri ábyrgð á samþættingu endurhæfingar. Hvert þjónustukerfi ber faglega ábyrgð á þjónustunni sem það veitir og tekur ákvörðun um þjónustu á grundvelli þeirra laga sem um það gildir hverju sinni.

Undirbúningur og samningur

Undirbúningur þess að koma á fót samhæfingarteymunum er þegar hafinn og þau þjónustukerfi sem um ræðir munu ganga frá formlegum samningi um fyrirhugað undirbúningssverkefni fyrir 1. mars 2024 þar sem nánar verður kveðið á um ábyrgð, verkefni, mönnun og hlutverk hvers þjónustukerfis fyrir sig.